

PRAVILNIK

O OBLIKU, FORMI I SADRŽAJU KARTICE ZA TOPLI OBROK U JAVNIM KUHINJAMA

Član 1.

(Osnovna odredba)

Ovim pravilnikom uređuje se izrada kartica za topli obrok u javnim kuhinjama Kantona Sarajevo (u daljem tekstu: kartica), raspoređivanje i ovjera, izdavanje, izgled, boja, evidencija, duplikat kartice i druga pitanja od značaja za izradu i izdavanje kartica.

Član 2.

(Izrada kartica)

- (1) Kartice izrađuju javne kuhinje Kantona Sarajevo (u daljem tekstu: javne kuhinje), a na zahtjev Javne ustanove "Kantonalni centar za socijalni rad", koja na osnovu evidencije o broju korisnika koju vodi, upućuje zahtjev javnim kuhinjama za izradu kartica za narednu godinu.
- (2) Rok za izradu kartica za narednu godinu je 15.12. tekuće godine.
- (3) Sredstva za izradu kartica obezbijedena su u Budžetu Kantona Sarajevo u razdjelu Ministarstva za rad, socijalnu politiku, raseljena lica i izbjeglice, pozicija NAN 035 - Donatorska sredstva za rad javnih kuhinja.
- (4) Javna kuhinja je obavezna zaključiti ugovor sa dobavljačem i isti prije izrade kartica dostaviti Ministarstvu za rad, socijalnu politiku, raseljena lica i izbjeglice Kantona Sarajevo.

Član 3.

(Raspoređivanje i ovjera kartice)

- (1) Nakon što se kartice izrade, javne kuhinje dostavljaju kartice Javnoj ustanovi "Kantonalni centar za socijalni rad", koja iste raspoređuje nadležnim službama socijalne zaštite.
- (2) Karticu ovjerava nadležna služba socijalne zaštite i javna kuhinja za koju se opredijeli korisnik.

Član 4.

(Izdavanje kartice)

Korisnicima toplog obroka u smislu člana 4. Uredbe o priznavanju prava na topli obrok u javnim kuhinjama u Kantonu Sarajevo ("Službene novine Kantona Sarajevo", broj 10/17) (u daljem tekstu: Uredba o priznavanju prava na topli obrok), uz rješenje se izdaje i kartica.

Član 5.

(Izgled kartice)

- (1) Kartica je izrađena od kvalitetnog kartonskog materijala na četiri stranice, koje su pravougaonog oblika, a dimenzije stranica su 10,5 x 7,3 cm.
- (2) Kartica ima izgled kako slijedi:
 - a) Na prvoj stranici kartice je označena godina za koju se kartica izdaje, Javna ustanova "Kantonalni centar za socijalni rad", naziv nadležne službe socijalne zaštite koja izdaje karticu, naziv javne kuhinje i općine pri kojoj javna kuhinja djeluje. Ispod su rubrike u kojima je označen naziv punkta, broj kartice, ime i prezime i adresa korisnika toplog obroka sa brojem članova domaćinstva,
 - b) Na drugoj, trećoj i četvrtoj stranici su u pravougaoniku po redu ispisani nazivi mjeseci u kalendarskoj godini i to na svakoj stranici po četiri mjeseca. U svakom pojedinom mjesecu su u kockicama brojevima obilježeni dani u mjesecu.

Član 6.

(Boja kartice)

Za svaku općinu, bez obzira o kojoj se javnoj kuhinji radi, određena je boja kartice kako slijedi:

- a) Općina Stari Grad, Hadžići i Trnovo - zelena,
- b) Općina Centar - žuta,
- c) Općina Novo Sarajevo - roza,
- d) Općina Novi Grad - bijela,
- e) Općina Ilidža - plava,
- f) Općina Vogošća - narandžasta,
- g) Općina Ilijaš - ljubičasta.

Član 7.

(Evidencija na kartici)

Pri preuzimanju toplog obroka korisnik je dužan dati na uvid karticu ovlaštenom radniku javne kuhinje, koji će križićem označiti dan u kojem je korisnik preuzeo topli obrok.

Član 8.

(Duplikat kartice)

Korisnicima koji izgube karticu nadležna služba socijalne zaštite će izdati duplikat kartice i isto evidentirati u zvaničnu evidenciju.

Član 9.

(Prelazna odredba)

- (1) Kartice za 2017. godinu koje su izrađene u skladu sa Pravilnikom o obliku, formi i sadržaju kartice za topli obrok u javnim kuhinjama ("Službene novine Kantona Sarajevo", br. 34/06 i 4/15) (u daljem tekstu: Pravilnik) i koje su izdate korisnicima, važiće do 31.12.2017. godine.
- (2) Korisnicima koji u 2017. godini, nakon stupanja na snagu ovog pravilnika, u skladu sa članom 9. Uredbe o priznavanju prava na topli obrok dobiju rješenje, izdaće se kartica za 2017. godinu.

Član 10.

(Prestanak važenja ranijeg pravilnika)

Danom stupanja na snagu ovog pravilnika, prestaje da važi Pravilnik o obliku, formi i sadržaju kartice za topli obrok u javnim kuhinjama ("Službene novine Kantona Sarajevo", br. 34/06 i 4/15).

Član 11.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 13-04/2-02-14828/17

12. septembra 2017. godine
Sarajevo

Ministrica
Amela Dautbegović, s. r.

Na osnovu člana 94. stav 1. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09 i 45/16) i člana 168. stav 2. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst i 38/16), a u vezi sa poglavljem II pod brojem 4. Programa obilježavanja "Dječije nedjelje" u Federaciji Bosne i Hercegovine za 2017. godinu ("Službene novine Federacije BiH", broj 51/17), ministrica za rad, socijalnu politiku, raseljena lica i izbjeglice Kantona Sarajevo donosi

PROGRAM

OBILJEŽAVANJA "DJEČIJE NEDJELJE" U KANTONU SARAJEVO ZA 2017. GODINU

I - UVODNE NAPOMENE

U okviru obilježavanja "Dječije nedjelje" u Kantonu Sarajevo planirano je organizovanje raznovrsnih aktivnosti od strane ustanova socijalne zaštite, predškolskih i školskih ustanova, kulturnih institucija i nevladinih organizacija u koordinaciji sa Ministarstvom za rad, socijalnu politiku, raseljena lica i izbjeglice Kantona Sarajevo, s ciljem podsticanja i organiziranja kulturno-obrazovnih, rekreativnih i drugih mjera i akcija za unapređenje razvoja brige o djeci i pravima djeteta, kao i pokretanja novih inicijativa i programa za zadovoljavanje potreba djece.

II - OBILJEŽAVANJE "DJEČIJE NEDJELJE"

U Kantonu Sarajevo će se u 2017. godini u periodu od 02. do 08. oktobra "Dječija nedjelja" obilježiti kroz slijedeće aktivnosti:

1. Otvaranje "Dječije nedjelje" u Kantonu Sarajevo za 2017. godinu - "Dijete je najljepši dar"

Datum održavanja: 02. oktobar 2017. godine

Mjesto održavanja: Dom mladih Skenderija